

Alþingi
Efnahags- og viðskiptanefnd
Austurstræti 8 -10

150 Reykjavík

4. desember 2012

Efni: Umsögn um tillögu til þingsályktunar "um breytingar á skattkerfi til að styrkja íslenskan hugverkalöðnað, 118. mál.

Hátekni- og sprotavettvangur skila hér með umsögn um tillöguna.

Fagnað er þeim anda sem felst í tillögunni að skoða með jákvæðum hætti "hvort taka megí upp þá hvata hér á landi, sem erlend ríki hafa innleitt til að styrkja vaxandi fyrirtæki innan hugverkageirans í samræmi við reglur EES um ríkisaðstoð". Tekið er undir að starfshópurinn verði m.a. skipaður fulltrúum atvinnuvega- og nýsköpunarráðuneytis, fjármála- og efnahagsráðuneytis og Hátekni- og sprotavettvangs, en benda jafnframt á að beinir fulltrúar hugverkalöðnaðarins s.s. SI og SSP þurfa einnig að koma að hópnum.


Vettvangurinn bendir á að þegar liggur fyrir mótuð tillaga á grunni ESA leiðbeininga um framkvæmd "skattafsláttar vegna hlutabréfakaupa í nýsköpunarfyrirtækjum", sem útfærð hefur verið á grunni stefnumótunar tækni- og hugverkagreina og áframhaldandi umræðu á Tækni- og hugvekaþingi á síðasta ári. Ráðherranefnd í atvinnumálum setti þá tillögu einnig í háan forgang. Sama tillaga hefur einnig verið sett fram nýrri greinargerð SA um umbætur í skattamálum. Sjá nánar kafla 4.5 bls 29 ->

<http://www.sa.is/files/Skattstofnar%20atvinnulífsins.%20Ræktun%20eða%20rányrkja.27540433.pdf>

Það er því takmörkuð þörf á að ræða margar nýjar útfærslur á fyrirbyggjandi tillögu um skattafslátt vegna hlutabréfakaupa, heldur hefja raunverulega vinnu við gerð frumvarps á grunni hennar. Rökin sem fram koma í greinargerðinni með þingsályktunartillögunni segja í raun allt sem segja þarf um mikilvægi málsins til að mæta samkeppni frá öðrum þjóðum um fólk og fyrirtæki í tækni- og hugverkagreinum.

Hins vegar er gott að skoða aðrar breytingar á skattkerfinu til að efla nýsköpun í íslensku atvinnulífi án þess að innleiðing á fyrirbyggjandi tillögu varðandi hlutabréfakaup í nýsköpunarfyrirtækjum, sem flestir eru þegar sammála um, tefjist vegna nýrra nefndarstarfa.

Virðingarfyllt,
f.h. Hátekni- og sprotavettvangs





RÍKISSKATTSTJÓRI

Alþingi
Erindi nr. P 141/834
komudagur 3.12.2012

Lögavegi 166 - 150 Reykjavík - Sími 563 1100
Fax 562 4440 - www.rsk.is - rsk@rsk.is

Alþingi, nefndarsvið
Kirkjustræti
150 REYKJAVÍK

Reykjavík, 3. desember 2012 R2012110027
T-ums 20/12


Umsögn ríkisskattstjóra um tillögu til þingsályktunar um breytingar á skattkerfi til að styrkja íslenskan hugverkaiðnað - 118. mál

Ríkisskattstjóri hefur þann 20. nóvember 2012 móttengið tölvupóst þar sem embættinu er gefinn kostur á að veita umsögn um ofangreint þingmál.

Í tillögunni kemur fram að Alþingi álykti að fela ríkisstjórninni að skipa starfshóp sem eigi að kanna þá skattahvata sem erlend ríki hafa innleitt til að styrkja fyrirtæki innan hugverkageirans.

Af þessu tilefni vill ríkisskattstjóri benda á að allar undanþágur og frávik frá almennum reglum gera skattkerfið flóknara og erfiðara í framkvæmd. Þær leiðir sem bent er á í greinargerð með tillögunni myndu allar leiða til tekjutaps hjá ríkissjóði sem bæta þyrfti með einhverjum hætti. Þá bendir ríkisskattstjóri á að hægt væri að styðja við fyrirtæki innan hugverkageirans með öðrum leiðum en niðurgreiðslum í gegnum skattkerfið t.d. með beinum styrkjum.

Virðingarfyllst


Skúli Eggert Þórðarson


Guðrún J. Jónsdóttir



Nefndarsvið Alþingis
nefndarsvid@althingi.is
150 Reykjavík

Alþingi
Erindi nr. P 141/918
komudagur 7.12.2012

Reykjavík 5. desember 2012
Tilv. 239. mál

Efni: Umsögn um þingskjal 118– 118. mál – um breytingar á skattkerfi til að styrkja íslenskan hugverkaiðnað.

Í framhaldi af tölvupósti nefndasviðs Alþingis d. 20. nóvember 2012 þar sem óskað er eftir umsögn SÍK um þingskjal 118 – 118. mál þá vill SÍK – Samband íslenskra kvikmyndaframleiðenda lýsa yfir ánægju með framkomna tillögu og tekur heilshugar undir þær hugmyndir sem þar koma fram um eflingu hugverkaiðnaðar á Íslandi. Að öðru leiti gerum við engar athugasemdir við tillöguna en sé óskað liðsinnis eða umsögn um framtíðar tillögur er sú aðstoð hér með boðin.

Með bestu kveðju,

f.h. hönd SÍK – Sambands íslenskra kvikmyndaframleiðenda



Hilmar Sigurðsson
formaður SÍK
chairman@producers.is



SAMTÖK ATVINNULÍFSINS

Alþingi
Efnahags- og viðskiptanefnd
Austurstræti 8 -10

150 Reykjavík

Alþingi
Erindi nr. P 141/832
komudagur 3.12.2012

3. desember 2012

Efni: Umsögn um tillögu til þingsályktunar um breytingar á skattkerfi til að styrkja íslenskan hugverkaiðnað, 118. mál.

Samtök atvinnulífsins og Samtök iðnaðarins skila hér með sameiginlegri umsögn um ofangreinda tillögu.

Samtökin fagna þeim anda sem felst í tillögunni, að skoða með jákvæðum hætti „hvort taka megí upp þá hvata hér á landi, sem erlend ríki hafa innleitt til að styrkja vaxandi fyrirtæki innan hugverkageirans í samræmi við reglur EES um ríkisaðstoð“. Samtökin taka einnig undir að skipaður verði starfshópur, m.a. með fulltrúum atvinnuvega- og nýsköpunarráðuneytis, fjármála- og efnahagsráðuneytis og Hátækni- og sprotavettvangs, en benda jafnframt á að tilnefna þurfi fulltrúa hugverkaiðnaðarins.

Samtökin benda á að þegar liggur fyrir mótuð tillaga um framkvæmd „skattafsláttar vegna hlutabréfakaupa í nýsköpunarfyrirtækjum“, sem útfærð hefur verið á grunni stefnumótunar tækni- og hugverkagreina og áframhaldandi umræðu á Tækni- og hugverkafélagi á síðasta ári. Ráðherranefnd í atvinnumálum setti þá tillögu í forgang. Sama tillaga hefur einnig verið sett fram af Samtökum atvinnulífsins í ritinu *Skattstofnar atvinnulífsins – Ræktun eða Rányrkja*, sbr. kafla 4.5 bls. 29.

Brýnt er að hefja vinnu við samningu frumvarps á grunni fyrirbyggjandi tillagna fremur en að hefja umfjöllun um nýjar útfærslur. Rök sem fram koma í greinargerðinni með þingsályktunartillögunni segja allt sem segja þarf um mikilvægi málsins til að mæta samkeppni frá öðrum þjóðum um fólk og fyrirtæki í tækni- og hugverkagreinum. Hér skiptir tíminn líka máli og að innleiðing á fyrirkomulagi sem flestir eru þegar sammála um haldi ekki áfram að tefjast vegna nýrra nefndarstarfa.

Hins vegar getur verið ganglegt að fara yfir frekari útfærslur á skattalegum hvötum í þessu sambandi án þess tefja framkvæmd á fyrirbyggjandi tillögu.

Virðingarfyllst,

f.h. Samtaka atvinnulífsins

f.h. Samtaka iðnaðarins